

官家文算

共六本  
六十九  
二百〇号

大政官文庫		
和	七	一
書	八	〇
門	七	二
	一	一
	冊	架

内閣文庫		
和	七	八
書	七	二
類	七	二
	冊	架
共六冊		

内閣文庫	番號	和	7872
	冊數	7	( 1 )
	函號	205	71



糊などで貼り付けられている部分がめくれない箇所あり



新校正

菅家文州

神京書舖柳枝軒茨城方道藏

菅家文章卷第一 詩一

月夜見梅華齊衡三年乙亥于時年十一

詩故載菅家承和十二年乙丑生

月耀如晴雪梅花似照星可憐金鏡轉庭上玉




房馨

臘月獨興天安二年干時年十有一

冬律迫正堪嗟還喜向春不敢賒欲盡寒光

休幾處將來暖氣宿誰家米封水面闌無浪

雪點林頭見有夜可恨未知勤學業書齋窓下





過年華

殘菊詩

十韻貞觀二年  
于時年十六

十月玄英至，三分歲候休。暮陰芳草歇，殘色菊  
花周。為是開時晚，當因發處稠。深紅衰葉病，辭  
紫老莖凋。露洗香難盡，霜濃艷尚幽。低迷甯砌  
脚，倒惡映欄頭。霧掩紗燈點，風披匣麝浮。蝶栖  
猶得夜，蜂採不如秋。已謝陶家酒，將隨鄆水流。  
愛看寒暑急，秉燭豈春遊。

賦得赤虹篇一首

七言十一韻自此以下四  
首臨應進士舉家君每

樂

日試之雖有數十首  
採其頗可觀留之 扶集一

陰陽變理自多功，氣象裁成望赤虹。舉眼悠悠  
且雨後，迴頭耿耿在天東。炎涼有序知盈縮，表  
裏無私辨始終。十月取時仙雪絳，三春見處天  
桃紅。雲衢暴錦，星辰織鳥路成橋。造化工千丈，  
絲幢穿水底。一條朱旆掛空中，初疑碧落留飛  
電。漸談炎洲，颺暴風遠影。嬋娟猶火劍，輕形曲  
撓便。彤身如今尚是樞星散，宿昔何令貫日忽。  
問着先為黃主，寶刻文當使孔丘通。



賦得詠青

一首六十字  
字擬作

扶

正色重真定生民萬里矚寄書仙鳥止于呂瑞  
雲低馬倦經立岳車疲過坂泥雨晴山頂遠春  
暮草頭齊并記見張翹田看鶴作踐水衣苔自  
織天鑑霧無迷髮鬢佳人家潺湲道士溪鋪蒲  
今未奏紋竹古應誓故意霞猶聳新名石欲題  
明經如拾芥迴眼好提撕

賦得躬來

一首六十字  
題中韻

官闈修內禮春事記躬來候節時無誤齋心採

不遑鈎留枝掛月粉落葉凝霜舉手頻鳴珮低  
頭更滿筐和風桃李質暖氣綺羅粧願助飢蠶  
養成功供廟堂

賦得折楊柳

一首六十字  
題中韻

佳人芳意苦楊柳先攀折應手麴塵輕候顏青  
眼潔淚迷枝上露粧誤絮中雪纖指柔英斷低  
眉濃黛刷葉遮鬢更亂絲剪腸俱絕若有入春  
音誰堪行子別

九日侍宴賦鴻雁來賓各採一字得葦



應製

自此以下十九首進士及第之有貞觀四年

我十六

維羽晚鴻賓寒聲驚鳳宸帛書誰係足黃口自  
衝尾畏月是孤弦渡江非一葦先鳴何處客在  
後時無幾

八月十五夜嚴閣尚書授後漢書畢各詠

史得黃憲

并序貞觀六年

扶九

若夫誦中挾一天度之起可知記事籠群日官  
之用爰立故堯舜盛矣尚書者隆平之典周道  
衰焉春秋者撥亂之法司馬遷之修史記君舉

無遺班孟堅之就漢書國經終建逮于洛陽帝  
里劉嬰暫據宮城建聖春更始纔偷甲子遂撫  
運於堯胤垂德於火方覩我風雲安我社稷者  
斯乃光武中興之主也雖則顯宗祇承使後之  
言事者爭先永平之政然而孝安屬當今天之  
厭德者遂至王度之糝嗟辱四百之年圖書絕  
筆於孝獻桓靈之弊禮樂墜文於山陽諸葛亮  
所謂親小人遠賢士是所以後漢傾頽者也於  
是順陽范蔚宗終紀傳而繫日月是唐太子賢



通注解以振寔有南陽故事雖百代而可知東  
觀群言成一時之茂典易曰觀乎人文以化成  
天下者文之謂哉嚴君知斯文之直筆味斯文之  
良史遂引諸生技授芸閣蓋仲尼閑居曾子侍  
坐思道之事自古而存觀其人之吐白鳳者通  
引籍以先來世之踏青雲者待撞鐘而競至肩  
昇汗簡手執羣編或不覺暴雨之漂流或不知  
坑岸之顛墜豈唯士安高尚時人矧爲書溢元  
凱多才獨自稱有傳癖而已屬至貞觀六年甲

申歲八月十五日訓說雲披童蒙霧散三冬用  
足百篇功成知羸金之假珍感琢玉之真器贊  
右之力不可較量於是赤帝之史倚席於白帝之  
秋三千之徒式宴于三五之日嚴涼景氣方醉  
上界之煙霞滿月光暉盛陳中庭之玉帛數盃  
快飲一曲高吟不可必赴瑤池不可必臨梓澤  
遊宴之盛亦復如是子墨客卿翰林主人請各  
分史以詠風流云尔  
黃生未免在人間千頃汪汪下水關逆旅初知



師表相高才更見禮容顏陳蕃留綰慙先佩郭  
泰車鑾歎早還僅就京師公府辟徵君豈出白  
雲山

重陽侍宴賦景美秋稼應製扶五

萬里如雲稼重陽就日晴吹金風冷  
露清瑩霜霜皆和氣離離半旅生綺疇無數  
銅雀第三鳴遠舉迴頭望長期鼓腹聲願因秋景  
美將見海陵盈

此句玩梅花各分一字探得勝字  
貞觀七

梅樹花開剪白繒春情勾引得相仍  
狂風第一吹狼籍叱叱忿忿意不勝

八月十五夜月亭遇雨待月探得句  
得無

月暗雲重事不須天從人望豈欺誣  
夜深纔有微光透珍重猶勝到曉無

秋風詞題中韻

寒蟬驚爽序晚虎嘯涼風扇謝三秋月  
蘭傷九畹叢冷聞天籟外幽想土囊中  
水擺輕波白林翻落葉紅蕭條為教令  
慘慄混嶮雄一箇青蘋

唐詩卷一



未淒其萬不同

仲春釋奠禮畢王公會都堂聽誦禮記貞觀

禮畢還聞禮威儀得再成容臺皆舊搨粉澤更  
新情屈膝羊知母申行鳳有兄斥丘千萬仍高  
仰欲揚名興行

奉和安秀才代無名先生寄矜伐公子次韻

迎來至道欲相仍豈意龍門有李膺乍見浮雲  
風慶破何嫌捕影日中昇天時有運寒為暖世

事無期負且乘公子先生何善惠縱雖知勸未  
知懲

和春十一兄老生吟見寄次句

和君千里一朝程恠我蕃籬羽翼生劍戟誰嫌  
隨後伏糠粃自愧在前行豈非大鳥三年舉應  
是飛丹九轉成莫道登科遲速事以詩為伯義  
為兄

入夏滿旬過藤郎中亭聊命紙筆  
不畏今朝夏日長偷言出得舊荏苒禮成無厭



來修刺酒熟應歡引入堂  
笑傲松喬知耳熱愛  
嘲風月欲心狂主人莫怪還先早為是初來自  
遠方

會安秀才餞舍兄防州

探得  
隅字

兄弟第恭不道無勤王自與恒親疎一迴告別  
腸千斷我助君情獨向隅

侍廊下吟詠送自

良辰誰擲度益者忽相尋  
逮從新蘭室存來舊  
竹林數盃仍許醉微詠自知音易失還難得

看眉訛詩紀此  
看

看欲晚陰

感源皇子養白鷄雛聊叙一絕

冷  
泠水殘片雪孤團恠問雞雛子細看養得恩容

交杵白因君一到五雲端

秋夜離合

班來年事晚刀氣夜風滅念得秋多惡心王為  
我非

奉和執金吾相公彈琴之作

參議左衛門督源多  
右衛門督藤原良繩

見說秋堂事金吾撫玉琴古人看有象新調聽



無滯峽斷玉泉咽鳥寒五夜深吟君相感句如  
遇舊知音

仲春釋奠聽講論語

聖教非唯一孤源引萬流珠從沫水出轄自孔  
門投問道誰為遠趨庭莫暫留此間鑽仰事遙  
望魯尼丘

餞別同門故人各著緋出宰探得

同門告別泣春風人道三龍一水中悔不當時  
千萬謝應煩別後夜來夢

喜雨詩

以龍為韻限八十字  
每句用漢代良吏名

傳號霑千里宜恩出九重雨寬何霑澤雲黯幾  
奇峯晴記年豐瑞先知井邑雍令辰成德政旁  
午育耕農步武甘膏滿含弘渙汗濃延年秋可  
待廣漢霽猶慵欲逐聽銅雀誰尊黜土龍田翁  
飯去處佇立盛時邕

賀宮田兩才子入學

典出於宮玉出田陽春明月孔門前前程占得  
揚名處聲價過雲城復連



早春侍內宴同賦無物不逢春應製并序自此

以下秀才作貞觀九年 扶二

臣聞春者一年之警策四時之光粉也時是鸞  
花人皆鳧藻君王遊豫其不悅乎故一聯樂韻  
非勅喚不得發其聲數輩詩臣非詔旨不得言  
其志謂之內宴其事可知觀夫天文建寅帝德  
旁生天以春為化帝以惠為和惠化一時煦嘔  
何甚乃知四海之大也何處有陰勝之愁庶類  
之多也何物有寒餘之色一草一木光華揭焉

惟夏惟夷娛樂至矣臣地是遊釣身同挾纊視  
聽失所豈敢多言伏叙一人之有慶兼賦萬物  
之逢春云尔謹序

寒光早退更無餘萬物逢春渙汗初問著林前  
鶯語報看過水上浪文書詩臣瞻露言行樂女  
妓粧成舞步虛待宴雖知多許事一年一日奈  
仙居

仲春釋奠聽講孝經同賦資父事君并序 扶九

仲春之月初十大昕有事于孔廟蓋釋奠也遷



豆之事則有司存之茲芴之儀則鬼神享之禮云禮云可各目以言矣於是圓冠博節博帶摠衣命夫君子之儒替其古文之典立言在簡憲章于魯堂之中敷說如流擬議于洙水之上故能志於道據於德擁經猶有三千芸其草修其書去聖曾未咫尺夫孝事親之名經爲書之號謂之義者旁觀地理謂之行者俯察人文是以膺錄受圖之貴非孝無以約左龍啜菽飲水之卑非孝無以掇懸象至如子諒之心孫謀之詠

求之於百行不如此一經者也觀其一草一木不伐勾甲於和風之前乃父乃兄無虧燕毛於觀學之後濟濟焉鏘鏘焉孝治之世其猶鏡容乎况亦資慈父以事聖君君父之敬可同孝子之門必有忠臣臣子之道何異然則揚名之義可請益於北闕之臣刑國之儀豈失問於南垓之子願錄三綱之無爽將叙五教之在寬云爾謹序

懷忠偏得意至孝自成入換自何輕死舍死在



顯親王生猶有母曾子豈非臣若向公庭論應  
知兩取身

詠瞿麥花呈諸賢

錦窠寸截裏繁華不道優曇在釋家仁智何唯  
山水樂願君好愛一蓑花

戊子之歲八月十五日夜陪月臺各分一

字探得登貞觀十

詩人遇境感何勝秋氣風情一種疑明月孤輪  
家萬戶此間臺上是先登

觀王度圍碁獻呈人

一死一生爭道類手談厭却口談人殷勤不愧

相嘲哂漫說當家有積薪世有大唐王積薪碁經一卷故云

春日暇景尋訪故人

一席將迎能幾人因君記得惜殘春餘花落處

爭移榻宿釀開時且漉巾軟脚和風知有舊怡

顏暇景既如新傷心獨有王戎在向竹還慙格

物身

陪寒食宴雨中即事各分一字得朝



待來寒食路遙遙自一陽生百五朝天愍子推  
嫌舉火柳烟桃焰雨中消

史記竟寔諒史得司馬相如

夫子猶司馬相如有舊聞官嫌為武騎曲喜得  
文君苦諫長楊獵多勞廣澤軍太人今可用何  
處不凌雲

寄巨先生乞畫圖

手時先生為神泉苑監  
適許遊覽仍獻乞之

先生幸許禁闈遊更恐時光不暫留山水從來  
無猶去願憑君得寫風流

山陰亭冬夜待月

高齋待月月何淹不畏風霜幾撥簾海伯應慵  
投老蚌山神欲惜放寒蟾消殘砌雪心猶誤挑  
盡窓燈眼更嫌珍重東頭光數尺如無如有獨  
織織

七月六日文會

秋來六日未全秋白露如珠月似鈎一感流年  
心最苦不因詩酒不消愁

停習彈琴



偏信琴書學者資多々三餘窓下七條絲專心不利  
徒尋譜用手多迷數問師斷峽都無秋水韻寒  
鳥未有夜啼悲知音皆道空消日豈若家風便  
詠詩ヲ

八月十五夕待月席上各分一字得

一更待月事何如疑是遙良月步徐爲向東頭  
千萬報白雲雖密意猶踈  
二更待月事何如不見金輪度碧虛雨脚忿忿  
雲簇簇秋風爲我可乖踈ス

三更待月事何如目倦心疲望裏踈酒是十巡  
詩百詠恠來不照我閑居  
四更待月事何如鐘漏頻移意有餘縱使清光  
纔透出當勝徹夜甚簷踈ス

五更待月事何如物色人情計會踈不恨雲中  
天已曉應知陰雨我三餘

九日待宴賦山人獻茱萸杖應製

黃杖肩昇入九重煙霞莫笑至尊供南山出處  
荷衣壞北闕來時菊酒逢靈壽應慙恩賜孔葛



陂欲謝化爲龍，捩頭繫臂皆無力。願助仙行趁

赤松。

仲春釋奠聽講毛詩，同賦發言爲詩。

舉手斟王澤，形言見國風。嘉魚因孔至，泮水待

春通。諫盡文章下，情猶諷詠中。頌聲猶不寢，將

發太平功。

團坐言懷

暗將年事幾蹉跎，若不團居欲奈何。酒爲忘憂

盃，有數詩。綠叙志昏猶多，自慙少日徒迴轂。偏

恨夕陽不用戈，我意君情今夜盡。曉天皈處莫

空過。

王度讀論語竟聊命盃酌。

圓珠初一轉，舞象遂丁年。自此窮墳典，何唯二

十篇。

花下餞諸同門出外吏各分一字。

送客何先點，淚痕應綠別後不同門。今朝記得

歸來日，萬里程間一折轅。

晚春同門會飲翫庭上殘花。

官家文苑 卷一



榮枯物我自應知春晚殘花幾許枝人有同門  
芳意篤鳥無比翼暮栖移攀時醉裏何遊手落  
處盃中莫盃吹一道馨香今日盡明朝眉目爲  
誰施  
良幹  
過尾州滋司馬文亭感舍弟四郎壁書彈  
琴妙聊叙所懷獻以呈寄  
偶尋文閣共閑居左見彈琴右見書昨夜歡逢  
春晚盡今朝苦念夏來初高看壁上雲栖鳳快  
聽絃中水聳魚一商量相况得張爲不弛蔡

無如

哭管外史奉寄

大內記興行  
安著作郎

酷悲穿眼復流冤皆道希顏是妄言少日垂帷  
疲蠹簡當年對策落龍門青衫未換名無謚白  
髮空生祭有孫命矣皇天相與奪高才不過傳  
先存

九日侍宴同賦喜晴應製

并序貞觀  
十四扶一

臣聞爲雨爲露天以降成歲之靡違乍陰乍陽  
人以仰授時之由運消于蕞落闕候辰角廉天



以垂文清風戒寒雨畢隨政而設教彼與蓋之  
攸覆載自然當晴以既晴專書之所祇羨詎不  
一喜而重喜者乎我皇駟人壽域翫風光以過  
淒涼導物福庭推日月而得長久菊花一束聖  
主助彭祖之先術也荃宰千年群臣效華封之  
舊詞也於是繡衣之子謝曉夢於徃時白頭之  
公報秋晴於今日遊氣高寒獻哲玄覽頌窈寓以  
高仰賜侍臣以遠瞻故天下之傾首者皆是唐  
堯就日之民天下之屬心者孰非樂廣披霧之

士風塵永斷耳自俱清請歌聖代之明時將接  
頌臣之朗詠不  
重陽資飲宴四望喜秋晴不是金飈拂應綠玉  
燭明無爲玄聖化有慶兆民情獻壽黃華酒爭  
呼萬歲聲

晚冬過文郎中翫庭前早梅并序 扶十二

日者朝家有令禁飲酒令行之後無犯之者若  
不追訪故人存慰親友更無快飲盃酒縱賦詩  
章夫故人未必親友親友未必故人兼之者文郎中



也詩家未必酒敵酒敵未必詩家兼之者文郎中也我  
 黨五六人適遇郎中之暇景聊叙詩酒之歡娛推步年  
 華嚴冬已晚具瞻庭實梅樹在前嗟平時之難得不可  
 不惜物之易衰不可不變既有故人之局會盡賦芳樹  
 之早花庶幾使故人之締交者知孔門之有此風云尔  
 一年何物始終來請見寒中有早梅更使此間  
 芳意篤應緣相接故人盃

奉和王大夫賀對策及第之作次韻

明時對策有名聞負擔箕裘不外分幸免空飯

為白首無期上列在青雲食情若讀新章句扶  
 眼驚看舊判文莫道成功能管領一枝蠹桂謝

家君諸儒評判設  
詞甚深故云

賦得麥秋至一首  
勒安寬寒  
竿壇端

步曆春王去乘收夏令安麥由千畝遠秋在兩  
 岐寬欲舉先登穀非逢暮律寒候占取繭稅人  
 趁守鷄竿錄舊排囚戶羞新肅廟壇自此多稼  
 瑞將望碧雲端

五月長齋畢貴懷籛諸同舍



問君十五日來心，隨喜無聊也不媿。初廢芭芭，  
聞般若，暫停念念，貴觀音，慇懃欲趁花間，醉約  
略應容月下，吟爲向香爐，經案導涼風，寒露更  
相尋。

長齋畢，聊言懷，寄諸才子，訓荅頻來，吟詠  
有感，更因本韻，重以戲之。

我今苦行最甘心，爲悔生生殺盜淫，錄先添  
新發意，書齋更覓舊知音。嗟來白白，駟輪轉放  
得炎風避暑吟，歸着鞵腥，應宴樂世間，何處擬

先尋

翫秋花

東宮侍中，局  
小宴之作

秋花得地在春宮，萬歲將看一箇蓂，素片還慙  
芳意，素紅房，溫對醉顏，紅馨香畏減，淒涼雨氣  
色嫌傷，晚暮風欲惣，繁華供殿下，不知何處路  
相通。

仲秋釋奠聽講周易賦，鳴鶴在陰。

暗知鳴鶴驚秋氣，一叫先穿數片雲，縱使清聲  
千萬和，不用十翼豈高聞。



九日侍宴同賦天錫難老應製并序貞觀十三扶五  
臣聞精誠感致欽若之機自齊真報來臻孔照  
之鑑無掩蓋五緯連珠二離合璧則躔次頻謝  
孰謂長生雲膚爛紫露液流甘則氣色難留未  
期久視豈若聖化旁達天居既成一葦之程皇  
明遠覃司命不換三科之筭猗歟穠穠景福駘  
老彭以列周行濟濟風猷越龜鶴以朝魏闕紅  
桃在面非藏春兔於形容白雪呈肌寧結寒光  
於霄體彼紫府黃庭之遊熊經鳥申之戲詭在

方外誠爲瓊焉故肉食空設遂可無勤養之勞  
鳩杖舊在誰見有扶持之用况乎重陽慶節九  
日優遊侍宴者得道於登高合歡者歸心於避  
惡霓裳一曲鈞夫夢裏之音露酌數行仙窟掌  
中之飲臣等不知不識帝力何施優哉游哉神  
交斯在非頌天錫之遐齡無叙人君之至德云  
介謹序

明主開壽域不老自蒼夫駐采非因道輕身豈  
學鶴毛無一片鮐背可千年已識皇恩洽將



編雅頌傳

冬自賀船進士登科兼感流年

御船弘方

苦惜分陰貢士家登科自此甚寬餘題名已舊

前春勝就賀難留晚日車席上傳看紅桂杪否

中勸得綠梨花君功我業先成後不恨三冬景

易斜予對策及第之日進士得預登科

冬至日晝懷奉呈田別駕

禮具誰羞履襪踈千門共幸一陽舒風光不辨

微和屬夜漏猶嫌冷夢餘稱舊秀才春去後與

前司馬歲來初正元駕覺殊今日再拜當煩手

上書權在外官滿年抱笏儒生故事行禮執經余兩有之故聯此句

近以冬至書懷詩奉呈田別駕謝荅中有

恐作冬雷開蟄促之句吟翫未畢重寄一

封叙云詩去須更禾南雷鳴一声擊睡覺

夢有感更用本韻予止讀驚愕已悟天人

相應即又以本韻重以呈之

感徹悠悠不道踈雷聲在晦甚寬舒君憐百里

聞無外我利連城照有餘強學言詩知是本偷



閑顯志愧爲初恩容唱和驚天意願遂編成數  
卷書

殘燈風韻

一點殘燈五夜通分分落淚寸心中餘光不力  
扶持舉競下蘆簾恐見風

書懷寄安才子

肩輿范漢百篇書太學閉前日出初若不揚名  
資祿養何愁曆尾數行餘君有歲莫暫  
停寮試之嗟

同舍小飲

舍不過方丈酒將及數盃夜更留不駐好去待  
眈來秀才早夫  
故有此句

漢書竟宴詠史得司馬遷

少日纔知誦古文何圖祖業得相分每思劉向  
稱良史無拜龍門一片雲

八月十五夜月前話舊各分一字探得

秋月不知有古今一條花也五更深欲談二十  
餘年事珍重當初傾蓋心

謁河州藤負外刺史聊叙所懷敬以奉呈



君居便近望階墀請謁猶愁寸步遲案譜江流

親不隔刺史適生于大江氏江同門孔聖道無

欺刺史問道於榻侍即春遊莫弄花開處夜宴

當饒月滿時若會長拋踈客禮何嫌日到敵圍

碁刺史面許對敵

早春待宴仁壽殿同賦春雪映早梅應製

扶十頁視十四

雪片花顏時一般上番梅援待追歡冰純寸截

輕粧混玉屑漆來軟皂寬鷄舌纔因風力散鶴

毛獨向夕陽寒明主若可分真偽願使宮人子  
細看

早春陪右丞相東齋同賦東風粧梅各分

昭宣殿  
一字探得迎字

春風便逐問頭生為翫梅粧繞樹迎偷得誰家

香劑麝送將何處粉樓瓊先吹煖火頻溫慰更

作霜刀且剪成裂素誰容勞少女占巢莫恠妬

初鶯繁華太早千般皂號令猶閑五日程好是

銀塩多結葉應緣丞相欲和羹



書齋雨日獨對梅花

點檢窓頭數箇梅花時不記幾年開官門雪映

春遊後相府風粧夜飲來今年內宴有初賦春

右丞相招詩客五十六人賦東風粧梅余雖不才侍此兩宴故云紙障猶卑依樹

立蘆簾暫撥引香迴書齋對雨閑無事兵部侍

郎興猶催

拜戶部侍郎聊書所懷呈田外史

聞說劇官戶部郎人臣何簡職閑忙偷居史局

三年去忝入兵曹余貞觀十三年為內史今年正月遷兵部

侍郎三月案牘初慙從政理風雲暫謝屬文章

知君近侍公卿議功過昇降報莫忘外史侍近

有公議終日

九日侍宴同賦紅蘭受露應製貞觀十五

芳蘭裊露恐傷風好是餘清洗碎紅鶴驚寒更

三轉後蜂喧晚步十迴中珠團滿袖羅文解玉

酒添香盞底空臣幸著緋恩澤渥自噎曉滴在

秋藜

九日侍宴同賦吹花酒應製扶十



恩容九日醉顏酣，酒湛兼清菊採甘。把盞無嫌  
斟分十吹花乍到，唱遲三層頭泛色。金猶點口  
上餘香麝半含，暮景雙行多得力。松喬更向小  
臣慙。

傷安才子

誰疑世俗是風波，叫著蒼天痛奈何。已斷平生  
相教授，爲君西向誦弥陀。

雪中早衙

風送官鐘曉漏聞，催行路上雪紛紛。稱身著得

裘三尺，且口溫來酒二分。恠問寒童懷軟絮，驚  
看疲馬踏浮雲。衙頭未有須臾息，呵手千迴著  
案文。

早衙

迴燈束帶早衙初，不倦街頭策蹇驢。曉鼓鼕鼕  
何處到，南爲吏部北尚書。

秋日山行二十韻

于時祈神  
向越州社

行行山不盡，念念意無聊。步曆三秋暮，離家五  
日朝。白雲何澗口，紅樹幾岩腰。每有涼氛到，空



令旅思焦整粧寒葦食催駕曉燈挑委曲斜穿  
路傾邪窳構橋地危常轉石天近暫摩霄未省  
人身換死如世界超疲驂嘶布水老僕困綿嶠  
指過僧持錫逢迎客採樵低頭臨邑里舉手謝  
塵囂戶牖基千峙江湖帶一條薜蘿新衲結榆  
英古錢銷解渴流泉漱羨温落葉燒煙嵐心慘  
慘骨髓氣蕭蕭豈趁飛丹術非求束帛招拜神  
趨社廟齋幣拂災袂日脚光陰走年華物色凋  
風驅應達旦月送自通宵問著程多計初知向

後遙五七

海上月夜

于時祈神到越州

秋風海上宿蘆花况復蕭蕭客望賒語笑心期  
聲闐浪詩篇口号指畫沙行遲淺草潮痕没坐  
久深更月影斜若放往來憐勝境越州買得一  
儒家



序六首

詠史得黃憲

無物不逢春

資父事君

九日喜晴

文郎中庭前早梅

天錫難老

菅家文草卷第一 詩一

菅家文草第二

早春侍宴仁壽殿同賦認春應製自此以下

首吏部侍郎之作負觀十九

認得年芳第一科先從禁籞遍經過和風陰外  
排山水暖氣留中屬綺羅鳥語還嫌篔簹在杏花  
容不放錦成窠今朝莫道春深淺偏愛吹噓長  
養多

暮春見南亞相山莊尚齒會南淵年名

逮從幽莊尚齒筵宛如洞裏遇群仙風光惜得



青陽月遊宴追尋白樂天トク靜不依無影樹避  
喧猶愛有聲泉三分淺酌花香酒一曲偷聞暮  
調絃撫杖將供扶醉出留車且待下山旋每看  
吾老誰勝淚此會當爲惱少年嚴閣相公在  
七人中故云  
早春侍宴仁壽殿同賦春暖應製并序元  
慶二扶  
春之爲氣也霏霏焉漠漠焉鴛瓦雪銷見天下  
之皆就暖鳳池冰消知天下之不受寒時也翠  
幌高開珠簾幾撥留萬機於一日翫三春於二

旬非彼恩容侍臣勅喚文士未嘗清談遊宴夢  
想追歡者乎既而金箭頓移玉盃無筭紅衫舞  
破所綴者禁庭之花未吻歌高所過者行雲之影  
猗辱其爲外也虱月鸞花其爲內也綺羅脂粉  
一事一物皆是溫和相送相迎靡非煦嚶小臣  
解形俗人取樂今日將詳盛事於瑣窓還誠不  
言於溫樹嗟嘆不足略而知之云尔謹序  
春風聖化捻陽和初出重闈露布適語鳥下般  
皆德煦游魚萬里半恩波虹霓細舞因晴見沈



濯流盃向晚多日落先飯何恨苦儒生不便手  
迴戈

喜田少府罷官飯京扶八

山郵水驛思紛紛一種風光兩處分西望五年  
空送日暮來千里乍披雲情悲倍自初離去淚  
落多於便附聞若不相忘曾入室殷勤存慰我  
家君門人雖多用意  
異昔故囑之

仲春釋奠聽講孝經

此是天經即孝經分來聖道滿皇庭為臣為子

皆言孝何啻春風仲月下

講書之後戲寄諸進士

我是瓠竊鄭益恩曾經折桂不窺園文章暗被

家風誘吏部偷因祖業存文章博士非材不居  
吏部侍郎有能惟任

自余祖父降及余身三代  
相兼兩官無失故有謝詞勸道諸生空赧面從

公萬死欲銷魂小兒年四初知讀恐有疇官累

未孫

早春侍內宴賦聽早鶯應製元慶  
三

不恠鶯鶯早應緣樂歲華語偷絃管韻棲上綺



羅花愛翫憐風軟貪聞恨日斜偏歡初出谷謝  
絕舊烟霞

元慶三年孟冬八日木極殿成畢王公會

賀之詩扶

鸞雀先知聖德包子來神化莫空拋初成不日  
金猶在且望如雲玉半交欲見高晴星舊拱應  
饒遠翥鳳新巢棟梁物出於槐棘誰愧唐堯不

剪茅

早春侍內宴同賦雨中花應製

扶十

花顏片片咲來多冒雨馨香不奈何羅袖猶  
霑舞汗花袍自怪沐恩波驚看麝劑添春澤勞  
問鶯兒失晚窠五出莫誇羨渥潤一天下喜有  
滂沱

傷巨三郎寄北堂諸好事

我今收淚訴真真何不愁遺一後醒伊洛有  
追逝水孔家無柳斷趨庭傳聞此即勤學之  
栽冢上新生樹哭放恣頭舊聚螢偷謚貞文為  
汝誅夜來窺得巨門星



博士難 古調

五家非老將，儒學代歸耕。皇考位三品，慈父職公卿。已知誓古力，當施子孫榮。我舉秀才日，箕裘欲勤成。我為博士歲，堂構幸經營。萬人皆競賀，慈父獨相驚。相驚何以故，曰悲汝孤惇。博士官非賤，博士祿非輕。吾先經此職，慎之畏人情。始自聞慈誨，履冰不安行。四年有朝議，令我投諸生。南面纔三日，耳聞誹謗聲。今年修舉牒，取捨甚分明。無才先捨者，讓口訴虛名。教授我無

失選舉，我有平誠哉。慈父令誠我，於未萌。

仲春釋奠聽講左傳賦懷遠以德

德是明王致，遠車東過鳥塞北。龍沙懷來總作

懷中物，四海茫茫尚一家。

暮春送因州茂司馬備州官司馬之任同

賦花字

別意難忘景易斜，不知閑日在誰家。愛君顏色

頰迴眼，醉淚空欺晷雨花。

北堂澆章宴後聊書所懷奉呈兵部田侍



即... 誇著槐林來客尊，祗迎宰相到黃昏。伶人枕鼓池頭卧，曹子懷詩壁下蹲。何更先談聞宿老，自然後幾發雲孫。公卿乍會初遊宴，幸甚生涯不測恩。  
後漢書竟寫各詠史，得光武時龍何處在光武。一朝乘濟縣低飛鳳，滄池暗合水將軍。星有列曆數，火相羨計會。天人應且哉，得中真。

詩紀創作能句  
四首

山家晚秋

以題為韻，右親衛中將軍河西別業也。古調。

千萬人家一世間，適逢得意不言還。幾臨瑟瑟寒聲水，又對蕭蕭暮景山。山下上隣當路霞野，中信馬破程花。將軍莫道遊心主，博士來為養性家。養性有餘空，偃蹇我情多。恨相知晚，雲泥不計地。高卑風月只期天，久遠數局圍碁招。坐隱三分淺酌飲，忘憂若教天下知。交意真實道遙獨此秋。

奉和兵部侍郎哭舍弟大夫之作 押韻



魂也歸來何處憑生涯不遇痛無勝君悲逝水  
孤浮浪我泣分陰共鑿冰相國心寒秋露草通  
家眼暗曉風燈大夫在生為大相國之近習余以婚親每述心膽今之傷悼死而有餘  
故云 菩提道外誰迴向為念弥陀拜老僧

長谷雄勸吟詩寄紀秀才元慶以來有識之士或不堅謂之癡鈍其外只醉舞狂歌罵辱凌轢而已故製此篇寄而勸之

風情斷織壁池波更恠通儒四面多問事人嫌  
心轉石論經世貴口懸河應醒月下徒沈醉擬  
噤花前獨放歌他日不愁詩興少甚深王澤復

如何

路次觀源相公舊宅有感

相公去年夏末薨逝其後數月

丁朝燒滅舊經營苦問遺孤何處行殘燼華博  
苔老色半焦松樹鳥啼聲應知腐草螢先化且  
泣炎洲鼠獨生泉眼石稜誰定主飛蛾豈斷繞  
燈情

雲州茂司馬視詩草數首吟詠之次適見  
哭營侍鑿之長句不勝復悼聊叙一篇



詩本取諸播管絃豈圖今日別潛然風吹藥種  
家三世露落蓬門路九泉定遇瑠璃師主佛疑  
爲紫府客來仙我無父母無兄弟親友又亡恣  
是天  
詩草二首戲視田家兩兒一首以叙管侍  
鑿病死之情一首以悲源相公失火之家  
大人侍郎適依本韻更酬一篇予不堪感  
歎重以答謝  
高情莫恠妄言詩爲遇知音也世治欲慕名鑿

復宿分非憐勝地諷當時松喬本是尺行客衛

霍今猶次宅悲我唱無休君有子何因編錄命

龜兒白樂夫命小姪龜兒

有所思元慶六年夏末有匿詩誹藤納善綱言

君子何惡處甚慙之命矣天古調

少君去宜哉天下有所思一人來告我不信二

人來告我猶辭年人已至我心動况乎四五人

告之雖云內顧而不病不知我者謂我癡何人

告之雖云內顧而不病不知我者謂我癡何人



口上將銷骨何處路隅欲僵屍悠悠萬事甚狂  
急蕩蕩一生長嶮巖焦原此時谷如淺孟門今  
日山更夷狂暴之人難指我文章之士定爲誰  
三寸舌端駟不及不患顏疵患名疵功名未立  
年未老每願名高年又暮况名不繫徒憂死取證  
天神與地祇明神若不愆玄鑑無事何久被虛  
詞靈祇若不失陰罰有罪自然爲禍基赤心方  
寸惟牲幣因請神祇應我祈斯言雖細猶堪特  
更愧或人獨自嗤內無兄弟可相語外有故人

意相知雖因詩與君疑罪言者何爲不用詩

九日侍宴各分一字應製

探得芝

蕭辰供奉一佳期并舞紛紛白玉墀恩賜黃花  
纔虎口勅催紅袖惣蛾眉五雲晴指登高處千  
日暮知解醉時篆取重陽名教樂此生長斷茹  
靈芝

喜被遥兼賀負外刺史

家門認得弊箕裘最喜先君任此州月俸曾因  
含哺飽泉途更欲討恩酬無勞北陸行殘雪只



望西成遇太秋腰底三龜知意否石風為我漲

春流予先丞二下官直隸州任

春日於相國客亭見鷗鳥戲前池有感賦

詩

人知鳥意鳥知人莫道沙鷗素性馴非與紫鱗  
爭樂水欲將霜翅不回塵當時未謂浮沉定數  
處唯無去就頻棲息若容三四日遂生何必入

懷仁

春日過丞相家門

除日明朝丞相家無人無馬復無車况乎一旦  
薨亡後門下應看積棘花

陪源尚書餞總州春別駕同用難寬看三字

共理從來知帝難易東莫謝舊丁寬淚痕爭得  
盈雙袖別後思君每日看

去春詠渤海木使與賀州善司馬贈答之  
數篇今朝重吟和典客國子紀十一丞見

寄之長句感而翫之聊依本韻

掌上明珠古下霜風情潤花使星光春遊物



州司馬夏熱交襟典客即恨我分庭勞引導饒  
君過境富文章若教毫末逢開且莫惜縱容損  
數行

重依行字和裴大使被調之什

寒松不變質繁霜面禮何須假粉光灌漑梁園  
為墨客婆娑孔肆是查郎千年豈有孤心負萬  
里當憑一手章聞得傍人相語笑因君別淚定  
添行

適大使房賦雨後熱扶

氣悲氣

風涼便遇歛纖氣未覩青天日已曛揮汗春官  
應問我飲水海路詎愁君寒沙莫趁家千里淡  
水當添酒十分言笑不須移夜漏將妨夢到故  
山雲

夏夜對渤海客同賦月華臨靜夜詩題中

六十字  
成扶

學眼無雲竊窺頭翫月華仙娥弦未滿禁漏箭  
頻加客座心呈露杯行手酌霞人皆迷傳粉地  
不辨晴波縱望西山落何瞻北海家閑談知照

卷二



贈莫勳折燈花

醉中脫衣贈裴大使叙一絕寄以謝之  
吳花越鳥織初成本自同衣豈淺情座客皆為  
君後進任將領袖屬裴生

二十八字謝醉中贈衣裴少監謝答之中  
似有謝言更述四韻重以戲之

不堪造膝接芳言何事來章似謝恩腰帶兩三  
杯後解口談四七字中存我寧離袂忘新友君  
定曳裙到舊門若有相思常服用每逢秋鴈所

寒溫

依高字重謝裴大使

多少交情見一言何關薄贈有微恩手勞機杼  
營求斷心任裁縫委曲存短製應資行客路餘  
香欲襲國王門後來縱得相親襲故事因君暗  
可溫

夏夜於鵝臚館餞北客歸鄉

歸歎浪白也山青恨不追尋界上亭  
鵝臚斷前程相送日眼穿後紀轉來星  
征帆欲繫孤雲影客



館爭容數日，扁情別何爲。遙入夜，綠嫌落淚被  
人聽。

訓裴大使留別之什

次韻

交情不謫北溟深，別恨還如在陸沉。夜半誰欺  
顏上玉，句餘自斷契中金。高看鶴出新雲路，遠  
妬花開舊翰林。珍重歸鄉相憶處，一篇長句慰  
丹心。

臨別送鞍具絃州春別駕

御民銜勒本君功，顧盼將聞瞿鑠翁。淚落分  
鑣

專夜雨，心悲結鞅欲秋風。山行莫忘浮雲上，歲  
暮當思踏雪中。春日縱逢輶下鹿，鞍鑣爲我不  
長空。

小廊新成聊以題壁

數步新廊壁也釘，青烟竹下白沙庭。北偏小戶  
藏書閣，東向疎窓望月亭。行路馬蹄斜側見，到  
門人語近前聽。自嫌塵客時言笑，從請山僧夜  
誦經。分合終年開甕牖，猶勝竟日掩柴扃。掃除  
一室雖知足，未免衝泥又戴星。



勤野營住學胃

李孔通家通不分幾因才藝早知聞  
營尚書子寧非我野相公孫獨有君  
謂先相公龍去九霄曾宿  
水鶴飛千里未離雲縱無閉戶  
垂帷意當會文宜享茲芬  
學中謂時來者為釋奠學生故云

水中月

滿足寒蟾落水心非空非有兩難尋  
潛行且破雲千里徹底終無影  
陸沉圓似江波初鑄鏡映如  
汝岸半披金人皆俯察雖清淨  
唯恨低頭夜

漏深

夢阿滿

阿滿<sub>二</sub>來夜不眠偶眠夢遇滄漣漣  
身長去夏餘三尺齒立今春可七年  
從事讀知人子道讀

書譜誦帝京篇

初讀賓王古意篇

藥治沉痛纔旬日風

引遊竟是九泉爾後怨神兼怨佛  
當初無地又無天着吾兩膝多嘲弄  
悼汝同胞共葬鮮

小弟

菜誕含珠悲老蚌莊周委蛻泣寒蟬  
那堪

小妹呼名覓難忍阿孃滅性憐始謂  
微微腸暫



續何因急急痛如剪葉瓠，  
頭上著著鞭，庭駐戲栽花，  
舊種壁殘學點字，傍邊  
每思言笑雖如在，希見起  
君惘惘然到處須弥  
迷百億生時世界暗三千，  
南無觀自在菩薩擁  
護吾兒坐太蓮。

詩情怨

古調十韻

呈管著作兼視紀秀才

去歲世驚作詩巧，今年人謗作詩拙。  
鴻臚館裏失驪珠，御相門前歌白雪。  
非顯名賤匿名貴，非先作優後作劣。  
一人開口萬人喧，賢者出言思

者悅，十里百里又千里，駟馬如龍不及舌。  
六年七年若八年，一生如水不須決。  
一生如水穢名滿，此名何水得清潔。  
天鑑從來有孔明，人間不可無則哲。  
惡我偏謂之儒翰，去歲世驚自然絕。  
呵我終為實落書，今年人謗非真說。

余近叙詩情怨一篇呈管十一著作，即長句二首，偶然見訓，更依本韻重以答謝。

請君好詠一篇詩，唯恨無人德務滋。  
尚書曰樹德務滋

讒舌音聲竿尚盤，厚顏脂粉鏡知媿。  
雲生不放

詩情怨  
初詩情怨一  
年近叙  
謝自注  
善權



寒蟾素柱死何勝毒蠹緝鎖骨元來由積毀履  
冰未免老狐疑

生涯我是一塵埃宿業頻遭世俗猜東閣舍將  
真咳唾北溟賣與偽珍瓏三條印綬依恩佩九

首詩篇奉勅裁來章曰蒼蠅舊讀元台辨白體  
新詩大使裁注云近來有聞裴

願云禮部侍郎得白氏之體余讀此二句盛上  
句之不欺兼下文之多詐訓和之次聊述本情  
余心無一德身有三官掩而言之事緣恩弊更  
被勅旨假號禮部侍郎與渤海入覲大使裴順  
相唱和詩惣九首追凡眼昏迷誰料理丹鷗鏡

掛碧霄臺

予作詩情怨之後無得管著作長句二篇

鮮釋予憤安慰予愁憤釋愁慰朗然如醒

予重拈蕪詞謝其得意韻本

家業年祖本課詩情由欲倦芳言滋材窺直立  
無全性女妬新來不弄娥對客頻逢珠子白從

歸殆入薜衣余自聞惡名有  
意出俗故云世人若用剛柔

戒莫願偷爲雋不疑賴君清冷蕭浮埃遮莫呵

呵甚口猜餌捉游魚隨手蠅媒投苦李蒲懷瓌

龍門迺送同時上鳳韶相分二代裁余與君貞  
觀中對策



及第雖有先後猶是一時余即爲著  
作卽至元慶君又爲之故云二代  
一官老孟堅著作兼去聲蘭臺

夏日偶興

天放一身不繫維雨晴好是得佳期  
三官過分知恩日六暇逢閑任意時  
卧見新圖臨水障行吟古集納涼詩  
區區心地無煩熱唯有夢中阿  
蒲悲先是阿蒲之詩

見渤海裴大使真圖有感

自送裴公萬里行相思每夜夢難成  
真圖勤我

無詩興恨寫衣冠不寫情

九日侍宴觀賜群臣菊花應製

扶十

滿把寒花十指温術中彭祖九重門  
雖小老仙人曙麝劑初穿道士園  
便採孤蓂秋露種非租五柳晚雲  
孫莫教舞妓偷食去恐未藝收月  
裏奔

題白菊花

去春太白明上人分寄種苗

寒蓂養得小儒家過雨宜看亞白沙  
本是天台山上種今爲吏部侍郎花  
霜鬢秋暮驚初老星

晚秋初夜



點曉風報早衙長斷俗人籬下醉應同閑在舊  
烟霞

同諸才子九月三十日白菊蓂邊命飲同  
鹿餘魚各加小序不  
過五十字扶十五

仲秋翫月之遊避家忘以長廢九日吹花之飲  
就公宴而未遑蓋白菊孤蓂金風于夜今之三  
字近取諸身而已云尔  
白菊生於我室虛殘秋一夕又閑餘淺深困醉  
花鰓下取樂何求在藻魚

典儀禮畢簡藤進士

想頭曉望紫微宮百辟星前拜拜風我肯仙階  
纔抵器應知細吹白雲中余以待郎近陪宴  
更被朝議又為典儀

故有此句

賦得春深道士家限四十字題中取韻筆  
不停滯文不加點扶

鶴王閑引步道士洞中家秋暖潺湲水食清晚  
暮霞杖新裁筭籜符舊撼桃花好去春二月年  
加老不加

絕句十首賀諸進士及第

唱和集劉白五律  
托首春深之作中  
何處春深好  
春深道士家



七七頽齡是，老生誓云未死遂成名。明王若問君才用，更誇差勝風月情。賀母

無厭泥沙久，曝鯁場中出入十三迴。不遺白首空歸恨，請見愁眉一旦開。賀平

當家好爵有遺塵，不若槐林苦出身。四十二年初及第，應知大器晚成人。賀橋

初有二毛更六年，此朝筋骨可神仙。知君大學能常住，願使諸生幾是賢。賀中

親老在家七十餘，每看膝下淚連如。登科兩字

千金直，孝養何愁無斗儲。賀野

人共賀君我獨傷，曾知對策苦風霜。龍門此日平三尺，努力前途萬仞強。賀田

少日偏孤凍且飢，長呼孔父濟窮兒。還家拜世何為傲，手捧芬芬桂一枝。賀多

此是功臣代代孫，神明又可祐家門。況為進士揚名後，今待公卿採擇恩。賀和

一經不用滿籬金，况復螢光草廛業。是文章家將相朱衣向上任，君心賀有



龍有各駒鳳有鷄行程自與世人殊聞君會弟  
皆家業次第當探海底珠賀橘

八月釋奠聽講孝經賦秋學禮

過庭無父感秋時三百三千更問誰暮景蕭蕭

雲斷處一行寒鳥是吾師

傷藤進士呈東閣諸執事扶

我茅曾為白首期何因一夕苦相思披書未卷

同居處拾藥空歸已葬時不校秋聲喪父哭猶

勝曉淚夢兒悲余先皆所有此生永斷俱言笑

且泣將吟事母詩東閣孝經竟安進

去冬過平右軍池亭對平園基賭以隻圭

新賦將軍戰勝博士先降今寫一通訓一絕

奉謝遲晚之責

先冬一名負此冬訓姪使侯圭降亦秋閑日若逢

相坐隱池亭欲決古詩流

感小蛇寄田才子一絕來訪之間此蛇

縱未鱗飛不道蟠如聞早上李膺門自知君感

相存慰為我偷來咳嗽恩



近日野州安別駕製一絕寄諸同志有頻  
歷外吏獨後倫輩之歎予不勝助憂聊依  
本韻訓  
君曾猷策立公車政事當求孔子家請抱負心  
能報國寒松不道遂無花

重陽日侍宴紫宸殿同賦玉燭歌應製六  
韻

上古調  
成

無爲無事明王代九月九日嘉節朝曆數所歸  
有真至欲令雨順又風調始聞童子謳唐國終

見大臣謁渭橋人望天從明王燭自春步夏到  
金殿菊知供奉霜籬近鴈守來賓雲路遙藻鏡  
和光毫不失璇璣遠映德弥昭東西郡老承成  
頌南北洲民習作謠臣在陶鈞歌最樂願驚高  
聽入丹霄

勸學院漢書竟宴詠史得叔孫通

游魚得水幾波濤命矣孫通遇漢高暗記龍顏  
奇在胷先知虎口利如刀諛言不謝加新印降  
見無嫌變舊袍太史公雖稱太直猶慙去就甚



鳴毛

相國東廊講孝經畢各分一旬得忠順弗  
士出塞閨忠順成推夫不嘆負薪行雲龍關下  
趨資父槐棘門前跪事兄一願偷羨天性色三  
言平帶孔懷聲待即無厭官衙早誰道遺孤亦  
所生

賦木形白鶴

八年十一月二十五日夜金  
吾細言祝四十年法會賦之

從初展翅未知雲隨手來時暫有稱清唳無期

何歲月金吾願待一聲聞

早春內宴侍仁壽殿同賦春娃無氣力應

製一首 并序  
扶八

夫早春內宴者不聞荆楚之歲時非踵姬漢之  
遊樂自君作故及我聖朝殿庭之甚幽咲嵩山  
之迳鶴駕風景之最好嫌曲水之老鸞花節則  
新焉一人有慶年惟早矣萬壽無疆於是粧樓  
進才粉妓從事纖手細腰受之父母軟雲穠李  
備于髮膚况陽氣陶神望玉階而餘喘韶光入



音飛紅袖以羸形彼羅綺之爲重衣妬無情於  
機婦管絃之在長曲怒不閑於伶人變態續紛  
神也又神也新聲婉轉夢哉非夢哉臣通籍重  
門踏絲霞而失步登仙半日問青鳥以知音樂  
之逼身詞不容口請祝堯帝將代封人云尔謹序  
純質何爲不勝衣慢言春色滿腰圍殘粧自懶  
闌珠直寸步還愁出粉闥嬌眼曾波風欲亂舞  
身迴雪齋猶飛花間日暮笙歌斷遙望微雲洞  
裏歸

清江先生

相府文亭始讀世說新語聊命春酒同賦

雨洗香壇花應教一首

扶和元年

學者誰家異杏壇紅花好是雨中看功能欲効  
雲先潤變理應知樹不寒唯有十旬相長養豈  
教五出且銷殘晚來春酒終無筭花也人顏醉  
一般

七月七日憶野州安別駕

非無遠信屢相聞此夕殊思欲見君珍重牽牛  
期曉漢悵然別駕隔秋雲定知羣匹同時拜唯

清江先生

卷二

七



恨詩情兩處分，依乞平安歸洛日。蒲庭香粉幾紛紛。

秋夜宿弘文院

信脚涼風得自由，弘文院裏小池頭。紀司馬以他門去，藤少府因入室留。梁上雞遲知未曉，枕邊蠶急欲深秋。非無弊宅安眠卧，乘輿來時物外遊。

仁和元年八月十五日行幸神泉苑有詔

詩臣命獻一篇同勅門存根恩

神泉望幸幾，寒温喜見仙輿出。環門地縮松江秋，水蒲人招柳市。古風存無辭野釀，添顏色不倦伶簫報耳根。日暮歸時明月下，迴頭更畏戴皇恩。

晚秋二十詠

九月二十六日隨阿州平刺史到河西之小庄數盃之後清談之間令多進士題中二十事于時日迴西山飯期漸至恹毫詠之文不加點不避聲病不守格律但恐世人朝弄斯文恐之思之才之拙也

殘菊

陶家秋苑冷殘菊，小籬間爲是開時。晚應因得



地開唯頂偷眼見不許任心攀若使風霜如當  
留早老顏

小松

小松經幾日不變舊青青本是山中種移來水  
上庭同聲沙石浪假蔭草第亭將效真心遠木  
夫此地停

黃葉早落日暮歸林即且不與風與  
殘秋皆壞色萬木淺深黃影映山邊水枝凋曉  
後霜隨風吹遠近觸處落閑作植物能如此人

生自可量

右石

幽庭看古石苔薜不知年未肯妨三徑從來約  
一拳雲膚何望雨水脉欲通泉若不慙孤陋當  
待歲後堅

踈竹

此君何處種閑在子猷籬不謝寒霜苦唯充送  
日資殺青書已倦生白室相宜可愛孤藁意貞  
心我早知



老苔

尋山迷道里，進退任青苔。便得低腰卧，無嫌軟脚迴。澗深秋雨後，庭老曉霜來。不可分將去，平君引酒盃。

紅蘭

案曆三秋暮，尋花十步中。殘香經洗露，晚氣未傷風。佩舊懷沙客，園寒採藥翁。芳情如可愛，莫廢小孤蓼。

石泉

欹枕閑窓卧，微聲石上泉。松悲無木地，雨冷不雲天。未飽殘秋賞，應驚五夜眠。縱教開取去，那得寫門前。

灘聲

避喧雖我性，唯愛水潺湲。可轉幽人枕，如彈古調絃。孤松臨岸蓋，落葉繫波船。此夕無他業，莊周第十篇。

秋山

大底秋傷意，山中不勝秋。推翁論去道，巖客問



來由止足依松立清心，傍水留指家歸出早怨。  
作市朝囚。

片雲

一片秋雲細微微，出岫賒樵夫披得道隱士遂。  
知家未計，盡心定唯隨。洞口斜浮沉，何處在恐。  
被晚風遮。

薄霧

山家侵曉霧，誰憚濕幽襟。菊墮籠花薄，沙崖網  
水深看山無寄眼，聞浪辨留心。暗記秋天事，閑

居獨自吟

孤鴈

薄暮孤飛鴈，閑中聽不煩。賓來秋霧遠，旅宿曉  
波喧。未下能鳴意，唯驚冷夢龜。若知詩與苦，高  
閣欲相存。

山寺

古寺人蹤絕，僧房排白雲。門當秋水見鐘，逐曉  
風聞老臘高僧積。深苔小道分文珠，何處在歸  
路。趁香薰。



釣船

曲岸無他產蕭疎  
釣翁小舫迷落葉輕緒  
涼風不問歸家後  
唯期送老中竹竿如可學  
我宅有孤蓼

樵夫

負薪家產苦山路幾多艱  
曉出蓬門去昏尋澗水  
還欲翮朝夕口不惜老年顏  
自愧妻兒意生涯未肯閑

柴扉

秋山隣已絕問得柴扉  
半畝家庭小殘陽氣力微  
應為風月地足寄薜蘿衣  
縱有逢羔鴈閑居不敢歸

晴砂扶四

晴砂宜勝境好是木邊行  
老鶴馴知意遊魚喚有名  
不嫌松影掩唯待月光明  
此地徘徊立忘家送我生

水鷗

雙鷗天性靜况遇得心人  
逐浪高低至尋擊向



青馴飛疑秋雪落集談浪花勻殊恨秋夫暮相  
離不敢親

晚嵐

松窓嵐氣若惱殺感秋情真得詩人興增來夜  
水聲樵夫衣可薄野客夢難成已醉三分酒誰  
愁昆曉行

九月九日侍宴應製

聖曆仁和以和為韻

九重逢九日三舉醉三醪引籍窺青簡登高切絳河  
菊開新月令絃鼓舊雲和

聖曆早恩澤翻來四海波

右親衛平將軍率府亭諸僕奉賀相國五

十年宴座後屏風圖詩五首

并序

古人有言曰聖人之養生也必適其性室大則  
多陰多陰者致逆寒室高則多陽多陽者不能  
行斯乃陰陽不適之患居處空敞之弊是故其  
為宮室臺榭也足以避燥脩濕矣其為飲食醢  
醴也足以適味充虛矣其為輿馬衣裘也足以  
逸身煖骸矣其為聲色音樂也足以安性自娛  
也其為苑囿園池也足以觀望勞形矣五者聖



人之所以節性不必好儉而已誠哉古人之有

斯言也近取諸身當施座右故寄奇句以備用

心云尔將軍許余以言笑之好元年冬拔密語

寡座後所施屏風欲致效絕汝作詩藤將軍書

之巨金函畫之予願足矣無三雖錄遂不寬放

此序是呂氏春秋之成文也

為叙本意乃有此注而已

龍媒戀主愁毫毛眉壽三千欲代勞齊足蹈將

初白雪遍身開着淺紅桃風前案響浮雲軟日

落鳴鞭半漢高仙駕不願飛免力請看雙鶴在

寒臬

謝道士勸恒春酒

臨盃管領幾廻春雪髮霜髯欲換身若與方家

論不死麻姑應謝醉鄉人

長生自在福謙家踈牖低簷向月斜縱使門庭

皆冷儉不辭到老富鶯花

南園試小樂

遇境偷閑喚管絃餘霞斷處落花前小兒相勸

南園文集 卷二



分頭舞取樂當為地上仙

園池晚眺 扶

松蘿任土枕江湄明月春風不失期  
枳落蕭疎瞻望遠沙堤委曲步行遲  
波臣自諷垂竿處國老相知種藥時  
懷抱此間機緒斷生涯誰見鬢邊絲

夏白四絕

苦熱

未出炎蒸天地鈿况行無路甚崎嶇  
家兒不

山林去苦熱庸材一腐儒

聞蟬

寒蟬幸得免泥行危葉寄身露養生  
猶恨淒涼風未到不能一旦自無聲

新竹

此君分種舊家根一二年來最小園  
今夏新生長又直剪將欲入釣翁門

沙庭

分合家中三逕斜自慙明後蒲庭沙  
不須詩酒



菅家文章 卷二  
來喧聒為是秋開白菊華

菅家文章第三終

天養元年八月八日進細路比野廟院

一部十二卷加後集之外奉加菅相公御宗

一卷朝散大夫藤廣兼

山林法...

序四首

早春侍宴春暖序

九月盡白菊襲邊命飲序

早春內宴春娃無氣力序

右親衛平將軍奉賀相國五十賀宴後座

屏風圖詩五首序



獻

宣教博士西川吉輔

